



2012.11.20 人力事務委員會"檢討法定最低工資水平"

自由黨常務委員阮建中__發言稿

主席：

1. 最低工資自去年五月起實施，好似無乜大問題，其實好大原因係去年經濟表現理想，遮掩咗最低工資好多負面影響，但其實一般市民都已經感受到最低工資嘅壓力。
2. 譬如話，依家晏晝出街食個快餐連杯餐飲，四十元左右走唔甩，屋苑嘅管理費亦加了不少，令到中產百上加斤。去年嘅通脹率5.3%，係1998年以來嘅新高，最低工資有份推高通脹，是不爭的事實。
3. 至於資源缺乏嘅中小企，更加係捱得好辛苦。根據樹仁大學的調查研究，最低工資加上「薪酬階梯連鎖效應」和「漣漪效應」，令企業的薪酬開支平均上升11.1%，當中勞動力資源比重高的清潔服務業，更高達18.5%，呢個數仲未計有薪休息日、飯鐘錢等僱員福利，和年終酬金和強積金供款等其他相關開支。
4. 企業除咗要應付即時提升嘅成本，仲要面對請人難的問題。因為最低工資一刀切的訂在時薪28蚊，好多基層員工寧願轉去做舒服啲嘅工種。於是，安老院、洗碗工等比較操勞的工種，即使部分人工已高過最低工資好多，去到過萬蚊，仍然好難請人。不過，這些最低工資嘅影響，當局都仲未有深入嘅調查同研究公布。
5. 更重要的是，現時全球經濟風高浪急，歐洲有歐債危機、美國有財政懸崖，內地的經濟亦放緩，香港經濟隨時面對逆轉的風險。最近香港大學已預測，今年香港的經濟增長，會由去年的5%下跌至1.6%。
6. 所以，自由黨認為，現時實在並非大幅提高最低工資嘅時候，最低工資委員會建議時薪由28元加到30元，升幅已達7.1%，會令艱苦經營中小企雪上加霜，也會進一步推高通脹。如果再想將最低工資拔苗助長，恐怕將來社會整體都要承苦。

(630字)